



Årsmelding 2019



Innhold

1. Styresamansetning/ eigarform/ organisering	3
2. Styret 2019	3
3. Året 2019	3
4. Faste aktivitetar og tilbod gjennom Vestnes Frivilligsentral 2019	4
4.1. Aktivitetsvenn for demente – dobbel glede!	4
4.2. Habil.....	4
4.3. Gåtur for alle.....	4
4.4. Full Rulle	5
4.5. Tirsdagskaffe.....	5
4.6. Rettleiing av lag/ organisasjonar og Tilskuddsportalen	5
4.7. Datakurs.....	5
4.8. Hagen ved Frivilligsentralen	5
4.9. Utstyrssentral og utlån av Friluftslivsutstyr	6
4.10 Strikketreff.....	6
5. Andre aktivitetar og arrangement	6
5.1. Frivilligdagen 2019 – fole kjekt i Vestnes	6
5.2. Stikk UT! i Vestnes kommune	7
5.3 Aktivitet og samarbeid med andre	7
5.4 Prosjekter.....	8
6. Bruk av Frivilligsentralen sine lokalar.....	10
7. Samarbeid med andre frivilligsentralar og Frivillig Møre og Romsdal	10
8. Marknadsføring av Frivilligsentralen	10
9. Vestnes Frivilligsentral 2020.....	10
10. Frivillige og økonomi.....	11

1. Styresamansetjing/ eigarform/ organisering

Eigar av Vestnes Frivilligsentral er Vestnes kommune, kommunen har personalansvar for dagleg leiar og økonomiansvar. Formannskapet og styret i Vestnes Frivilligsentral utgjer Årsmøtet. Styret i Frivilligsentralen består av 5 medlemmar og 3 varamedlemmar valt av årsmøtet, kommunestyret har ein representant med vara i styret. Vestnes Frivilligsentral er medlem av Norges Frivilligsentraler og av Frivillig Møre og Romsdal (samanslutning av frivilligsentralane i fylket). Frå og med 2014 har Frivilligsentralen vore ein del av Kultureininga ilag med Vestnes Kulturskule og Vestnes folkebibliotek.

2. Styret 2019

Hanne Moldver Salthammer, leiar
Tordis Sivertsen, nestleiar
Helge Bjerkevoll, styremedlem
Eli Skavnes, styremedlem
Geir Tony Tomren, eigars representant
Joar Kirkeslett (1. vara)
Svanhild Lindseth (2.vara)
Øyvind Granberg (vara, eigars representant)

3. Året 2019

Styret har arbeidd vidare med å nå måla satt i strategien for Frivilligsentralen (2017-2019), og for å lage ny strategi for neste periode. I 2019 har etablerte aktivitetane blitt ivarettatt, men justert etter behov. Frivillige gjer ein stor innsats og skapar aktivitet og trivsel. I året som gjekk har Frivilligsentralen og Kultureininga jobba saman om mange prosjekt, og med å få økonomisk støtte til å gjennomføre desse. Mange av prosjekta er knytt til det nye bygget Stella Maris. Prosjekta handlar mellom anna om å få til gode samarbeidsformer mellom frivilligheit og kommune, både når det gjeld arbeid med eldre og ungdom, og møte mellom generasjonar. Sjå utfyllande informasjon under punkt 5.4.

I tillegg har det blitt arbeidd mykje med organisering og koordinering av informasjon, med bruk av facebook-sider, i tillegg til eiga side og «Det skjer i Vestnes» har Kultureininga oppretta side for Stella Maris. Dette for å legge ut drypp om det som skjer i bygginga av huset, og kva det vil innehalde. I tillegg har det blitt arbeidd mykje for å få på plass den nye nettsida ivesnes.no. Den skal gje ei oversikt over det som skjer i Vestnes kommune, og gjere det lett for innbyggjarar å finne fram til aktivitet og korleis dei kan delta i samfunnet. Her vert det aktivitetskalender, organisasjonsoversikt og mykje meir.

Vestnes Frivilligsentral har arbeid med å finne ei form på organiseringa som gjer at frivillige organisasjonar er meir involvert i arbeidet og utviklinga av frivilligsentralen. Dette gjenspeglar seg i forslag til ny strategi og vedtekter som vert lagt fram på årsmøtet. Styret har i tillegg til årsmøtet hatt 4 styremøte i perioden. Karianne Bergset Austnes har vore tilsett som dagleg leiar i 100 % stilling i 2019.

Visjon for Vestnes frivilligsentral sitt arbeid:

Vestnes Frivilligsentral skal bidra til at innbyggjarane i Vestnes kommune kjenner trivsel og tilknytning i lokalsamfunnet, og legg til rette for deltaking i lokalsamfunnet.

Langsiktige mål:

- Vestnes Frivilligsentral er ein møteplass og brubyggjar mellom menneske, frivillige organisasjonar og det offentlege
- Vestnes Frivilligsentral er ein aktiv støttespelar og kompetansebank for frivilligheita i Vestnes kommune

4. Faste aktiviteter og tilbud gjennom Vestnes Frivilligsentral 2019

4.1. Aktivitetsvenn for demente – dobbel glede!



I 2017 starta Vestnes kommune opp med Aktivitetsvenn for demente. Ein person med demens vert kopla med ein aktivitetsvenn som har dei same interessene – dobbel glede! Målet er at aktiviteten skal vere kjekk og givande for både den med demens og aktivitetsvennen. Tilbodet er til personar med demens slik at dei kan fortsette med det dei likar å gjere. Det bidreg til å bremse utviklinga av sjukdommen, og til ein meningsfull kvardag. Det kan vere å gå på tur ilag, trene, gå på fotballkamp, kafé eller museum og konsertar, fiske, gå på kino - vanlege fritidsaktivitetar. Det er Nasjonalforeningen for folkehelsen som eig konseptet og har utarbeidd materiale til kommunane.

I Vestnes er det ei arbeidsgruppe med representantar for helsesektoren i kommunen, Nasjonalforeningen og Frivilligsentralen som styrer Aktivitetsvenn, arrangerer kurs for frivillige, og gjer koplinga. Det vart skreve kontrakt med kommunen som forpliktar både kommune og Frivilligsentral. Per desember 2019 var det seks aktive aktivitetsvenner. Koplingane fungera godt, og vi har hatt to erfaringssamlingar i 2019. Vi håper på nytt kurs til hausten 2020, og at vi kan rekruttere fleire Aktivitetsvenner fram til opning av Stella Maris. I desember deltok dagleg leiar ved Frivilligsentralen på møte ilag med heimettenestene, Tresfjord og Vestnes Røde Kors. Vi håper å få til eit styrka samarbeid når det gjeld besøksteneste og aktivitetsvenn.

4.2. Habil



Ved utgangen av 2019 har 21 personar tatt sertifikat gjennom Habil. Dette gir fleire moglegheiter for den enkelte når det gjeld jobb og bustad, og å følgje opp barn i fritidsaktivitetar. Frivilligsentralen har hatt ordninga sidan 2017. Habil er eit tilbod for alle som treng nokon å øvingskøyre med, men som av ulike orsakar ikkje har det i sitt nettverk. Det er Møre og Romsdal Røde Kors har som har utvikla Habil-ordninga og reglane i aktiviteten, samt har ansvar for bilen som vert brukt. Frivilligsentralen rekrutterer frivillige, og koplar dei med dei som er klare for å øvingskøyre. Pågangen er relativt stor, og det er slik alltid behov for fleire frivillige.

4.3. Gåtur for alle



Gåtur for alle vert arrangert i månadane april-september. Målet er å bidra til betre folkehelse, fysisk og sosialt. Det er turar kvar torsdag, kl. 17.00. Frå april 2019 vart aktiviteten endra frå ulike turmål til fast tur i Kråkvika Friluftsområde. Pga. nedgang i antall deltakarar vart det ikkje starta opp turar for haustsesongen. Det vart jobba med å etablere samarbeid med Kråkvikas venner og Turistforeninga i Molde for å starte opp Aktiv i hundre. Pga. lite kapasitet skulle dette starte våren 2020, koronapandemien gjorde at det igjen vart utsett til hausten 2020.

4.4. Full Rulle



Full Rulle er ein møteplass for foreldre som er heime med små born. Ope kvar onsdag kl. 11.00-14.00. Sentralen legg til rette med leiketepper, leiker, barnestolar, stellerom, ammekrok og kaffi/te, samt tilgang til kjøkken. Tilbodet vert jamt nytta med besøk på mellom 5-15 foreldre kvar gong. Mange får eit godt nettverk og ein kjekk møteplass gjennom Full Rulle.

I mai vart det arrangert førstehjelpskurs i samarbeid med Tresfjord Røde Kors for deltakarane på Full Rulle, 17 deltok.

4.5. Tirsdagskaffe



Tirsdagskaffe er ein uformell møteplass på dagtid, med rom for god prat over kaffikoppen. Frivillige steiker vaflar og er vertskap. Tirsdagskaffe har frå hausten 2018 vore eit samarbeid mellom Vestnes Røde Kors, Vestnes Pensjonistlag, Gamleskulens vener og Frivilligsentralen. Omlag 20 personar deltek kvar tysdag. Nokre gonger er det også loddsal og anna underhaldning.

4.6. Rettleiing av lag/ organisasjonar og Tilskuddsportalen

Frivilligsentralen tilbyr rettleiing for lag og organisasjonar som ynskjer dette. Rettleiinga går på styrearbeid, økonomi, søknadar og prosjektstyring.

Frivilligsentralen forsøker å følgje opp lag og organisasjonar med informasjon om støtteordningar gjennom Tilskuddsportalen og andre kanalar. Tilskuddsportalen er ei søketeneste for å finne tilskot til aktivitet. Kommunen har kjøpt abonnement for lag og organisasjonar i kommunen. Frivillig Forum vart gjennomført 27. februar 2020, først i mars skulle Frivilligsentralen arrangere kurs om bruk av Tilskuddsportalen og minisøknadskurs, kurset vart utsett pga. koronapandemien.

4.7. Datakurs

I 2019 gjennomførte Seniorakademiet to kursrekker i bruk av nettbrett. Frivilligsentralen la til rette med bruk av lokale, og oppgradering av nettverk. Vi ser fram i mot meir kursing og samarbeid rundt auka digital kompetanse når nytt bibliotek står klart.

4.8. Hagen ved Frivilligsentralen



I 2019 har frivillige fortsett med dugnadar og utvikling av hagen. Det vert lagt ned mange dugnadstimar. Hagen vert stadig meir nytta av innbyggjarane, barnehagane er ofte på besøk, og fleire nyttar hagen til å gå tur med rullestolbrukarar/rulotor. I hagen kan ein nytte alle sansane: mykje å sjå, smake og lukte på. Det er Gamleskulens vener står for å arrangere dugnader og koordinere frivillige, noko i samarbeid med Vestnes Hagelag.

Gamleskulens vener har drifta hagen gjennom frivillig innsats og økonomisk støtte frå private. 2019/2020 vert siste periode med

denne støtta. Det vert i 2020 viktig med framleis god dialog med kommunen om vidare drift. Det er planer om å få på plass eit vatningsanlegg i 2020 slik at arbeidet med vedlikehald av hagen vert forenkla. Hagen ved Frivilligsentralen vart opna i 2015.

4.9. Utstyrssentral og utlån av Friluftslivsutstyr

Vinteren 2018/2019/2020 har det vore mange utlån og ofte har ikkje Utstyrssentralen nok utstyr. Frivilligsentralen fekk i desember 2019 tildelt 100.000 kr frå Nordenfjelske Bykredits Stiftelse som skal gå til oppgradering av utstyr. Utstyr til utlån per i dag: alpinutstyr, langrennutstyr, skøyter og hockeyutstyr, fiskestenger, redningsvestar, beremeiser, sekkar, telt og liggeunderlag. I 2019 har frivilligsentralen samarbeidd med Ørskogfjell skisenter, og frivillige der har slipt og preppa ski, noko vi er veldig glade for!

Utstyrssentral vart etablert mai 2015. Tilbodet skal stimulere til auka deltaking i friluftsliv og fritidsaktivitetar for alle. Tilbodet er for alle, og alt utlån er gratis. Det er mykje utlån av vinterutstyr, når det er skidag på skulane er alt utstyr utlånt. Frivilligsentralen administrera utlånet. Arbeidet er tidkrevjande. Frivilligsentralen er i dialog med Kråkvikas venner om ordning av utlån av robåtar i Kråkvika friluftsområde frå våren 2020.

I 2014 fekk Frivilligsentralen ei utstyrskasse frå Sunnmøre Friluftsråd. Skular, barnehagar og lag og organisasjonar kan låne gratis frå utstyrskassa. Frivilligsentralen administrerer utlånet. Utstyrspakka skal stimulere til eit aktivt friluftsliv, og består av lavvo, taubruer, bålpanne, sag, øks, diverse grillutstyr samt popcornpanne til bål. Utstyret vert jamt utlånt, men kapasiteten er større.

4.10 Strikketreff

På initiativ frå innbyggjarar vart det hausten 2018 etablert Strikketreff, og vinter og haust 2019 har det vore Strikketreff kvar fjortande dag på Frivilligsentralen. Målet var å skape ein møteplass for unge vaksne som er glad i strikking, men det var også eit ønske om å skape eit treffpunkt for unge vaksne i kommunen. Alle er velkomen, både med og utan strikkeset. Strikketreff vert arrangert annakvar tysdag. Vestnes Røde Kors er medarrangør ilag med initiativtakarane. Tiltaket er svært positivt og deltakinga er god, men varierer frå 10-20 personar.

5. Andre aktivitetar og arrangement

5.1. Frivilligdagen 2019 – fole kjekt i Vestnes



7.september 2019 var det rekord høg deltaking på Frivilligdagen med heile 41 organisasjonar, ei dobling frå 2018. Det var konkurransar, musikk, natursti, valkamp, dans, engasjement, Elias-båten, informasjon, triksekonkurranse, matsal, lokalhistorie, handverk, song, hesteriding, og mykje meir! Fleire hundre var innom Frivilligdagen 2019. Målet med Frivilligdagen er å syne breidda av frivillig aktivitet i kommunen, at lag og organisasjonar får vist seg fram. Det er

også ein møteplass for lag og organisasjonar, og for innbyggjarane generelt i Vestnes. Håpet er at ein slik møteplass kan bidra til auka trivsel. Frivilligdagen er eit årleg arrangement i regi av

Frivilligsentralen og i samarbeid med Sentrumsforeninga og kommunen, i tillegg til lag og organisasjonar. Arrangementet fekk pressedekning i Vestnesavisa og Bygdebladet.

5.2. Stikk UT! i Vestnes kommune



VESTNES STIKK UT! 2019

- Jensbu (ny)
- Ystetind (ny)
- Frostaddalen (ny)
- Tomrefjellet (ny)
- Øygarden, Rekaldal (ny)
- Rekaldshesten
- Trollrunda i Fiksdal
- Helsetnakken
- Vike Friluftsbad
- Ystetjønna, Daugstad
- Tresfjord museum
- Måslia-Juvenet
- Kråkvik Friluftsområde
- Salthammerstra
- Åsfjellet



I 2019 vart det registrert 11.743 turar på dei 15 Stikk UT!-turmåla i Vestnes kommune. Ei auke på over 2800 turar frå 2018.

Sunnmøre Friluftsråd starta arbeidet med turregistreringa Stikk UT! i 2015, og Vestnes ville vere med på dette. Frivilligsentralen koordinerer arbeidet mellom lag og organisasjonar/ frivillige og Sunnmøre Friluftsråd. Organisasjonar og enkeltpersonar legg ned ein stor innsats i å lage gode turskiltringar og i arbeidet med merking av turløyper. Målet er at innbyggjarar i Vestnes kommune og Møre og Romsdal, i større grad skal nytte naturen i Vestnes, og gjennom det er Stikk UT! eit solid bidrag til styrking av folkehelsa. Det vart arrangert fellesturar til både Ytstetind og

Rekdalshesten.

Gruppa for frivillig i Vestnes hadde evaluerings- og planleggingsmøte i desember 2019. Gruppa har 15 turmål klare for 2020. Også i 2019 har det vore Stikk UT!-ski i Vestnes kommune med tre turmål. Der er det dei lokale idrettslaga som har direkte samarbeid med Skiforbundet og Friluftsrådet.

5.3 Aktivitet og samarbeid med andre

Frivilligsentralar skal vere eit bindeledd mellom kommune og det frivillige, og vere ein støttespelar for frivillige lag og organisasjonar. Samarbeid og koordinering er derfor to viktige stikkord for arbeidet. I 2019 har det vore samarbeidd med mange ulike aktørar, både lag og organisasjonar, i kommunen og næringslivet. Vi vil trekke fram Tirsdagskaffe, Frivilligdagen, Aktivitetsvenn for demente, og arbeidet med www.ivistnes.no.

Frivillige og Frivilligsentralen var også i 2019 med og koordinerte **TV-aksjonen**.

Våren 2019 samarbeidde frivilligsentralen med kulturrådgevar i kommunen og **Ungdomsrådet**. Dagleg leiar orienterte og diskuterte med ungdomsrådet om **integrering**, og det vart gjennomført eit treff mellom ungdomsrådet og busette flyktningar i same alder. Det vart utveksla telefonnummer og oppretta snapchat-gruppe for å halde kontakta.

Frivilligsentralen er ein del av nyetablert **Folkehelsegruppe** i kommunen. Den skal arbeide med å sjå folkehelsearbeid i ein samanheng, og sjå moglegheiter for samarbeid på tvers innan kommunen – og om det kan vere prosjekt som ein kan søke støtte til for å styrke folkehelsearbeidet. Frivilligheita er ein sentral aktør i folkehelsearbeidet. Frivilligsentralen har også i 2019 deltatt i **prosjektgruppa for nytt bibliotek**. Frivilligsentralen vil få kontor plass i det nye bygget. Å bli lettare tilgjengeleg for innbyggjarane og meir synleg ser ein som svært positivt. Ein del aktivitet vil fortsette i Gamleskulen, men nytt bygg gir moglegheit for nytenking og andre former for aktivitet.

Jul i Vestnes – Næringsforum og sentrumsforening tok kontakt med frivilligsentralen før jul og lurte på om vi kunne få til eit samarbeid om å skape julestemning i sentrum. Organisasjonar vart invitert med til å skape julestemning og kunne selje ting til inntekt for eigen organisasjon. Frivilligsentralen koordinerte dette. Vestnes Røde Kors, Vestnes Musikklag, Vestnes/Daugstad skolekorps og biblioteket deltok på laurdagane før jul. Det vart mellom anna juleverkstad, graut, musikk, nissebesøk

og høgtlesing. Erfaringa var at dette var eit godt tiltak, men arbeidet må starte før og ansvarsfordeling mellom sentrumsforeining og frivilligheita må vere betre for å gje meir flyt.



Aktivitet planlagt i 2019, men gjennomført i februar 2020: Frivilligsentralen arrangerte ein **Aktivitetsdag** på Ørskogfjellet, i og ved skitrekket, ilag med Ørskogfjell Skisenter, Barnas Turlag, Vestnes Røde Kors og Tresfjord Røde Kors hjelpekorps. Frivilligsentralen koordinerte påmeldingar, informasjon ut til skular og media, og hadde utlån av utstyr frå utstyrssentralen. Det var gratis heiskort til alle påmeldte under 15 år, barneskirenn, mini-slalomkurs, natursti og grilling. 135 var påmeldt for heiskort, omlag 500 personar deltok på Aktivitetsdagen, både frå Vestnes og Ålesund kommune.

5.4 Prosjekter

I 2019 har det vore arbeidd med fleire større prosjekt, som mellom anna vil bidra til å styrke frivilligheita:

Stella Maris og OU-prosjekt



Dagleg leiar har vore med i ei av gruppene som har jobba med organisasjonsutvikling knytt til nytt helsehus, Stella Maris. Tema ein har jobba med er mellom anna korleis ein kan få til betre samarbeid mellom frivilligheita og kommune for å fyller helsehuset og biblioteket med aktivitet slik at det vert ein god møteplass for alle innbyggjarar i kommunen. Mange møter og drøftingar vart gjennomført, mellom anna var frivilligheita invitert til innspelsmøte i august. Nokre av prosjekta som har blitt satt i gang som følgje av det er Livsgledehem-sertifisering av sjukeheimen, opprette Stella Maris venner, Crew Stella Maris og SMUD.

Livsgledehem og Stella Maris venner

I OU-prosjektet vart det lagt fram ei anbefaling i rapporten at Vestnes kommune skal jobbe med å få sjukeheimen Livsgledehem sertifisert gjennom organisasjonen Livsglede for eldre. Dette er et system og arbeidsmåte som skal gje eldre livsglede og gode kvardagar gjennom tilpassa aktivitet, og omsorg. Ordninga sikrar lovpålagte oppgåver og er anbefalt gjennom kvalitetsreforma for eldreomsorg: leve heile livet. Kommunestyret har vedtatt tiltaket, og vi har søkt fylkesmannen om støtte til å etablere ordninga. Svar kjem juni 2020. Som ein del av livsgledehem-arbeidet og for å etablere ein struktur for samarbeid mellom den organiserte frivilligheita og enkelt frivillige vert det arbeidd for å etablere Stella Maris venner. Frivilligsentralen har dialog med organisasjonane, og målet er å ha dette på plass til opning av Stella Maris, desember 2020.

Crew Stella Maris

Kultureininga har arbeidd vidare etter OU-prosjektet for å forme tiltak for ungdom. Crew Stella Maris blir eit tilbod for ungdom som vil lære seg lyd og lys, scenearbeid. Det faglege ansvaret for opplæring har Kulturskulen. Det vil vere viktig i dette prosjektet å skape eit godt miljø for ungdommane, og bygge opp eit crew som kan bidra inn som frivillige på ulike arrangement på Stella Maris. Ein har fått støtte til dette prosjektet gjennom fylkesbiblioteket og det vil bli oppstart hausten 2020.

SMUD (Stella Maris Ungdom)

I samarbeid med frivilligheita ynskjer Kultureininga å bygge opp eit godt og uformelt tilbod for ungdom i Vestnes kommune. Dette har mellom anna sitt utspring i at ungdommen sjølv etterlyser ein slik arena for dei som fell utanfor organiserte tilbod. Vi ser det som viktig å gi denne gruppa eit tilbod, då utanforskap og manglande fritidstilbod har mange kjente, negative konsekvensar. Prosjektet har vore diskutert i Ungdomsrådet, og dei er svært positive til dette. Prosjektet har også blitt diskutert på FrivilligForum. Det vil bli søkt om støtte til prosjektet våren 2020, dette inkluderer midlar til ei ungdomsarbeiderstilling. Tilbudet skal vere gratis for ungdom.

Aktivitetselementa i SMUD:

- Kvifor det? Foredrag, debattar og quiz, relevant for ungdom
- Open hall. Lavterskel tilbod for å prøve ulike idrettar, vere fysisk aktiv. Samarbeid med frivillige.
- Teknolabb. Ungdom møter ny teknologi, teknologi gi møte mellom generasjonar, makerspace og kodeklubb. Samarbeid med frivillige.
- Studio Stella Maris. Moglegheit til å spele musikk ilag med andre, og spele inn musikk. Samarbeid med frivillige.
- Utstyrssentralen. Oppgradering og vedlikehald av utstyr, drift av utlån.

Velkomstpakke og www.ivistnes.no

IVESTNES

I 2019 har Kultureininga, Frivilligsentralen, Kulturskulen og biblioteket, arbeidd vidare med prosjektet Velkomstpakke. Prosjektet har bakgrunn ei anbefaling i rapporten *God integrering – ei berekraftig samfunnsutvikling i Vestnes kommune*. Det er forskingsmiljøet KUN som har utarbeidd rapporten på oppdrag frå Kultureininga, Vestnes kommune. Velkomstpakken er delt i to: fysisk pakke/oppmerksend, og informasjon på ny nettside www.ivistnes.no. Frå januar 2019 har alle nye innbyggjarar i Vestnes kommune fått eit velkomstbrev signert frå ordføraren. Når nytt bibliotek og kontor for frivilligsentralen er på plass kan nye innbyggjarar også hente seg ei lita velkomstpakke på Stella Maris.

Hausten 2019 vann Anunatak anbudsrunder om å lage ei ny nettside for det som skjer i Vestnes kommune, den skal heite ivistnes.no, og vert lansert juni 2020. Kultureininga har jobba i tett samarbeid med leverandør. Nettsida vil innehalde informasjon om det ein kan delta på i Vestnes kommune, frivillighet, kulturliv, arbeidsplassar og bumoglegheite. Kultureininga har samarbeidd med Næringsforum om dette. Frivilligsentralen vil ha ansvar for å oppdatere informasjon om frivilligheita og kople innbyggjarar som tek kontakt med aktuelle organisasjonar/aktivitet.

Frivillig Forum Vestnes



Frivillig Forum som skulle gjennomførast hausten 2019 vart utsett til februar 2020. Fylkeskommunen orienterte om sitt arbeid med å utarbeide ny frivilligheitspolitikk, og frivilligsentralen orienterte om prosjekt knytt til Stella Maris. Spørsmål til diskusjon i forumet: Kva er viktig for frivilligheita i Vestnes kommune for å få til det ein ynskjer? Korleis kan kommunen bidra? Korleis kan frivillighet og kommune samarbeide til det beste for innbyggjarane?

Dei 30 deltakarane kom med mange innspel til betre samarbeid mellom kommune og frivillighet. Pga. koronabrotet vert dette arbeidet tatt opp igjen for konkretisering av tiltak og planar hausten 2020. Eit sentralt spørsmål er om Vestnes kommune bør etablere ein frivilligplan.

6. Bruk av Frivilligsentralen sine lokalar



I løpet av 2019 har lag og organisasjonar, kommunale einingar, næringsliv og private lånt/leigd lokala til Vestnes Frivilligsentral flittig. Lag og organisasjonar får leige gratis til styremøte. I 2019 var lokala leig ut med eit snitt på 3,5 gonger per veke (ikkje juni/juli). Dette kjem i tillegg til aktivitet i regi av Frivilligsentralen. I 2018 vart Frivilligsentralen sine lokale tatt i bruk til vigsel for dei ynskjer det.

7. Samarbeid med andre frivilligsentralar og Frivillig Møre og Romsdal

Vestnes Frivilligsentral har jamleg kontakt med dei andre sentralane i Romsdal og på Nordmøre, særleg gjennom nettverkssamlingar. Nettverket består av sentralane i Fræna, Kristiansund, Molde, Aure, Nesset, Aukra, Sunndal og Rauma. Norges Frivilligsentralar vart etablert i 2016, organisasjonen skal arbeide interessepolitisk for å sikre gode vilkår for sentralane. Vestnes Frivilligsentral er medlem.

Då staten gjorde om på ordninga knytt til Frivilligsentralane vart det slutt på regionskonferansar. Fleire fylker har derfor etablert eit fylkesnivå for sentralane. Juni 2018 vart det heldt stiftingsmøte for den nye organisasjonen, Frivillig Møre og Romsdal, på Vestnes. Dagleg leiar ved Vestnes Frivilligsentral vart valt som styreleiar. I mars 2019 vart det arrangert fagsamling og årsmøte. Målet er å sikre erfaringsutveksling og fagleg påfyll, samt å bli ein enda betre og relevant samarbeidspart for fylkeskommunen. Andre viktige arena Vestnes Frivilligsentral har vore representert på er fylkeskommunen sitt Frivillig Forum, og KS sin frivilligheitskonferanse. I kraft av frivillig Møre og Romsdal har det også blitt gjennomført møter med desse instansane for å synleggjere frivilligsentralane si rolle.

8. Marknadsføring av Frivilligsentralen



Vi marknadsfører Frivilligsentralen og aktuelle saker på kommunen sine heimesider, Facebook-sida til Frivilligsentralen, på «Det skjer i Vestnes»-facebook-sida, i lokalavisene og på eigne heimesider. Facebooksida har nær 890 følgjarar. Vestnes Frivilligsentral har hatt mediedekning på mange av sine aktivitetar i 2019. Saman med frivillige er dagleg leiar inne og oppdaterer/lagar vikesoversikt på «Det skjer i Vestnes»- Facebooksida også, den har 1424 følgjarar.

Frivilligsentralen si eiga nettside har god oversikt over tilboda ved sentralen: www.vestnes.frivilligsentral.no. Pga. koronabrotet gjekk sentralen over til ny leverandør som også har eit system for organisering av frivillige, InVI. I samband med Frivilligdagen hadde sentralen stand i sentrum med eigne brosjyrar. Aktivitet ved Frivilligsentralen vert også i kulturkalenderen i Vestnesavisa og noko i Bygdebladet.

9. Vestnes Frivilligsentral 2020

Vestnes Frivilligsentral bidreg positivt i lokalsamfunnet i Vestnes, og arbeider for at sentralen skal vere aktuell for ei breidde av innbyggjarane i kommunen. Det er alltid behov for vidareutvikling og forbetring. I 2020 ynskjer Frivilligsentralen å jobbe for å nå måla i ny strategi. Vi vil jobbe med å finne eit styrka samarbeid med frivilligheita etter innspela som kom på FrivilligForum, og kartlegge behovet for å få på plass ein frivilligplan for Vestnes kommune. I 2020 vil det handle mykje om å lande alle prosjekta som er under planlegging: iverstnes.no, Stella Maris venner, Crew Stella Maris, bidra inn i

